

# Neno La Mungu Lilimjia Nabii

## William Marrion Branham

### **"Roho Zinazoshawishi Dhidi Ya Neno La Mungu"**

Usimhukumu mwenye dhambi. Mhurumie. Mwache aendelee na kuvuta kiko chake, mwache anywe pombe yake, mwache afanye karamu yake ya kadi. Hizo ndizo starehe zake. Usimlaumu. Akija nyumbani na kadhalika, amechoka sana na kudhoofika, yeze ataka starehe kidogo. Jambo likupasalo kufanya ni kuishi maisha ya utauwa hivi kwamba hata unaweza kumthibitishia ya kwamba Injili ina mara elfu kumi zaidi ya raha hizo. Na kama akifa katika hali hiyo, yeze ataenda Jehanamu, kwa pombe yake. Huo ni ulevi wa Ibilisi. Kama akifa akikokota maskini kiko hicho, Mungu ndiye Hakimu wake. Kama akifa, akienda nje hapa, akicheza dansi, na kukimbia kila mahali huku amevalia nguo za kizinifu, Mungu ndiye Hakimu wao.

Bali kuna jambo moja, kama ukifa chini ya upako wa Nguvu za Roho Mtakatifu, kama alivyofanya Stefano alipoutazama uso wa Mungu, kasema, "Naona Mbingu zimefunguliwa, na Yesu amesimama upande wa mfono wa kuume," wewe unaelekea Mbunguni, kama mbayuwayu kwenye kiota chake. Amina.

Roho zinazoshawishi dhidi ya Neno la Mungu! Achilia, jilegeze. "Unafanyaje jambo hilo, Ndugu Branham?" Achilia tu. Hivyo ndivyo tu ikupasavyo kufanya. Chukua Neno la Mungu. Usijaribu kubuni cho chote kile. Usishuke uende madhabahuni, ukayapigapige, ukaseme kwa nguvu, "Bwana, nipe Roho Mtakatifu! Bwana, nipe Roho Mtakatifu!" Haji kwako, ukipiga madhabahu hayo. Jambo hilo halina faida. La. Hivyo sivyo anavyokuja. Ni, ukimwamini Yeye katika Neno Lake!

Mwangalie Petro. Petro alikuwa katika hali ya kutisha, ilionekana kana kwamba atakufa. Ndipo akamwona Bwana akija, akitembea juu ya maji. Naye akasema, "Bwana, kama huyo ni Wewe, niagize nije."

Bwana akasema, "Njoo."

Sasa Petro alisema, "Sasa hebu kidogo, Bwana, hebu nifunge kwa siku arobaini, nione kama naweza kutembea juu ya maji hayo, ama siwezi. Ee Bwana, naomba nipate Roho wa kutosha juu yangu, ili kwamba niweze kucheza katika Roho na kunena katika lugha, katika boti hii, ndipo naweza kutoka"? La, bwana! Yeye aliliamini Neno la Mungu, akajiachilia na kujilegeza. Mungu akamfanikisha.

Vipi kama Mungu alikutana na Musa, Naye angesema, "Musa, shuka uende kule Misri, ukamwambie Farao, 'Wape watu Wangu ruhusa waende zao'"? Vipi kama Musa angesema, "Hebu nifunge kwa siku arobaini, kwanza, nione kama nina imani ya kutosha kukutii Wewe, Ee Mungu. Nipe kitu fulani, kitu cho chote kile Bwana. Hebu nikwambie jambo fulani, hebu nione kama nitaingia katika Roho, kwanza"? Musa hakuuliza maswali yo yote, aliliamini tu Neno la Mungu, kisha akaondoka akaenda zake. Hivyo ndivyo ikupasavyo kufanya, liamimi Neno la Mungu. Ndipo utajua utaweza kufanya jambo hilo. Hakungojea hadi jambo lingine litukie, aliondoka tu akaenda zake akalitenda.

Na Eliya je, wakati aliposhuka kutoka Mlima Karmeli, alikuwa huko kwa muda mrefu. Ndipo akakutana na maskini mzee mwanamke mjane, alikuwa m... alikuwa mgeni, Mmataifa. Na alipokutana naye kule chini, alikuwa anaokota kuni, uani. Ndipo Mungu akamwambia, "Shuka uende katika nyumba ya mjane yule." Ni mahali pa namna gani kwa mhubiri kwenda!

Huyu hapa anashuka kwenda kwenye nyumba ya mjane. Na alipofanya hivyo, yule mjane alikuwa na kuni mbili. Kasema, "Unafanya nini?"

Kasema, "Ninaokota kuni chache. Nina unga wa kutosha tu kutengeneza keki chache za unga wa mahindi. Huo tu ndio uliobakia. Ni miaka mitatu tangu tupate mvua." Kisha kasema, "Ndipo nitatengeneza hizi keki za unga wa mahindi. Nami pamoja na kijana wangu tutazila, kisha tufe."

Yeye akasema, "Nitengenezee moja, kwanza!" Haleluya! Loo, na—najua mimi nina wazimu kidogo, bali niko upande wa Bwana, hata hivyo. Kasema, "Nitengenezee moja, kwanza! Kwa maana, BWANA ASEMA HIVI!" Basi.

Ni nini? "Utafuteni Ufalme wa Mungu kwanza, na haki Yake!" Si Ufalme wa Mungu na "kelele kidogo," si Ufalme wa Mungu na "mstuko mdogo," si Ufalme wa Mungu na "*hiki kidogo ama kile*." Bali, "Mungu, katika haki Yake, ndipo mambo haya mengine yote mtazidishiwa!" Uwekeni uwe wa kwanza!

Naam, basi tungalikuwa tumesikia hayo. Imani chanzo chake ni kusikia, kusikia kwa Neno. Yeye alisema, "Hilo ni Neno la Bwana, kwa kuwa huyo ni mtakatifu wa Mungu. Huyo ni nabii wa Mungu, nami najua ya kwamba ni kweli. Na hilo ni Neno la Mungu."

Naam, hakukimbilia upande ule kuwaliza majirani jinsi ya kufanya jambo hilo. Hakutaka kwenda kushiriki ninino yake...na kuwaambia majirani, kusema, "Sasa, mwaonaje? Yule mhubiri yumo nyumbani mwangu akisema *hivi*. Susie, waonaje juu ya jambo *hili*."

Aliingia, akaanza kutupa nje. Akaachilia. Akaachilia yale aliyokuwa nayo, kusudi apate mengi zaidi. Hicho ndicho ulimwengu unachohitaji leo, ni kuachilia kuzuri kwa mtindo wa kale kwa yale uliyo nayo. Haleluya! Yeye

alimwaga, kusudi apate kujazwa. Alimwga mafuta yote aliyokuwa nayo, na mafuta yote aliyokuwa nayo na unga wote aliokuwa nao, kwa yule mhubiri, kwa Ufalme wa Mungu. Na wakati alipovimwaga vyote mle, Mungu alishuka, akajaza lile pipa la unga, akajaza ile chupa ya mafuta. Alivimwaga tena katika sahani ya yule mhubiri, Naye akashuka, akaijaza tena. Yeye akaimwaga ndani. Kila alipoimwaga, Yeye alijaza.

Nitasema leo, kama mtu atamwaga upuzi huu wote wa kufanya yasiyofaa na kuiga Ukristo, na kuacha Roho Mtakatifu apachukue mahali pake, kutakuwa na ufuluo utakaoanza kwenye Barabara ya 8 ya Penn ambao utaenea nchini kote. Acha upuzi huu, rudi kwenye Neno la Mungu. Mwaga, upate kujaa. Achilia, Naye Mungu ataleta. Mwaga, Mungu atajaza. Mambo yote madogo-madogo, "Huna budi kufanya *hivi* na huna budi kufanya *vile*, unapaswa kufanya *hivi*, unapaswa kufanya *vile*." Sahau! Yamwage toka nafsini mwako!

Sema, "Ee Mungu, na niwe tangu ninino kabisa...leo, niwe Wako kabisa. Bwana, naja na moyo uliovunjika. Naja na roho iliyopondeka. Nakupenda, Nawe wajua ninakupenda. Nami nataka kusahau ujinga huu wote wa mifungo ya siku arobaini na nione kama naweza kumkaribia Mungu, na yote *haya, yale* na *mengine*, upuzi huu wote."

Yaache! Hakuna kitu katika Neno kinachokwambia ufunge kwa siku arobaini. Hata kidogo. Hakuna kitu kamwe kinachokwambia ufunge, ila kama Mungu angekwambia. Ndipo kama ukifunga, hutaona njaa, na kuyaendea mambo haya yote. Unapofunga, ndugu, utachangamka na kufurahi wakati wote. Kasema, "Msionekana kwa watu kama wanavyofanya wanafiki, wamevuta uso na wenye huzuni. 'Niko katika mfungo wa siku arobaini, mishipi yangu haitanienea tena.

Nimepoteza ratili thelathini, nao waliniambia nilionekana afadhali baada ya haya kumalizika.'" Loo, upuzi! Ni roho zinazoshawishi za Ibilisi.

Unaondoka unaenda madhabahuni, na kusema "utukufu, utukufu, utukufu" hata ni vigumu kwako kusema neno lingine, na kusema, "Huna budi kunena kwa lugha kabla hujapokea Roho Mtakatifu." Upuzi! Yamwage nje!

Yaondoe hayo kwako na uje kwenye Neno la Mungu! Yeye alisema, "Tubuni, kila mmoja wenu, mkabatizwe katika Jina la Yesu Kristo mpate ondoleo la dhambi zenu, nanyi mtapokea kipawa cha Roho Mtakatifu." Mungu asipolitimiza Neno Lake Yeye si Mungu. Amina. Mwaga nje! Jazwa! Amina. Whiu! Napenda hilo, hilo ni Neno Lake. Mungu alisema hivyo. Hiyo ni kweli. Na Mungu alipolisema, Mungu atalishughulikia. Vema. Matayarisho yote unayofanya, kwenda kwote kanisani unakoweza kwenda...

Ni kama tu hapa chini kwenye kiwanda cha motokaa ambapo wanajenga shehena kubwa, ama magari mengi ya abiria. Nilikuwa nikifanya kazi kule. Nao wanajenga mabehewa yao makubwa na kila kitu, na kuweka mbao ngumu, wakayazungushia mikangazi upande wa ndani, na kila kitu ni kizuri sana, na kuyaweka huko nje kwenye reli, na yalikuwa yamekufa kama msumari wa mlangoni. Hiyo hapo injini, hamna mvuke ndani yake, iko pale tu.

Linachohitaji leo ni moto kidogo kwenye boila. Linachohitaji leo ni mvuke kidogo. Kile linachohitaji leo, kanisa, kuchemsha... Kitu chenye moto sana kilichopo cha kuichemsha dhambi itoke maishani mwako, ni upendo. Na kama hamwezi kupendana ninyi kwa ninyi, mtampendaje Mungu Ambaye hamjapata kumwona? Upendo huficha wingi wa dhambi. Mpendeni Mungu, ndipo mtapendana ninyi kwa ninyi, ndipo mtalipenda

kanisa, mtaipenda Huduma, mtapenda kila kitu ambacho ni kitauwa, na hamtayakaribia mambo ya ulimwengu.

Roho zinazoshawishi zikizunguka-zunguka na kuwaambia watu *hivi*, *vile*, ama *vinginevyo*, "Hawana budi kufanya *hivi*, hawana budi kufanya *vile*." Ni kwa sababu kwamba madhehebu yameinuka, na yana ufunuo mdogo hata yanasema, "Vema, sasa, naamini ya kwamba mtu...Naamini katika mambo kama kupiga kelele, katika Biblia." Hiyo ni sawa, hiyo ni kweli. Waliunda madhehebu juu ya jambo hilo, "Unapopiga kelele, umeupata." Bali huna.

Mwingine anainuka, kasema, "Kunena kwa lugha." Hiyo ni kweli, huko kumo katika Biblia. "Lakini unaponena kwa lugha umeupata." Bali wengi wao walineni kwa lugha na hawakuupata. Mnaona? Si hivyo. La, bwana.

Wengi wao walisema, "Vema, hatuna budi kutoa unabii."

Waangalie manabii hawa hapa wenyewe pembe vichwani mwao, wakiruka-ruka na kutabiri. Ndipo Mikaya akasema, "Ninyi, kila mmoja wenu, anadanganya." Amina. Sawa. Mungu hataki mambo hayo. Mungu huujilia moyo ulio mnyenyekevu unaokuja na roho iliyopondeka na iliyovunjika. "Yeye apandaye kwa machozi bila shaka atarudi akifurahi, akija na miganda yake ya thamani." Amina. Sikia hilo vizuri, rafiki.

(Kutoka *Roho Zinazoshawishi*, 24 Julai, 1955)

SWAHILI

©1992 VGR, ALL RIGHTS RESERVED

VOICE OF GOD RECORDINGS  
P.O. Box 950, Jeffersonville, Indiana 47131 U.S.A.

[www.branham.org](http://www.branham.org)

## Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)